

東臺縣志卷之八 考二

疆域 都里

襟淮抱海十場壤錯厥田下下易為鄰壑昔繁今簡由博而約海波不揚淮流不作商利轉輸民安耕鑿雄勝之區永歌康樂志疆域

形勝 縣境西北控淮東南環海范隄亘其中蜿蜒一百數十里北連鹽城南接如皋西連興化中多湖蕩地曠土平與泰州為犄角之勢實防海之要區郡城之左輔也

縣治 在揚州府東北東至海一百二十里西至凌亭

東臺縣志

卷之八

疆域

一

閣九十里與興化縣分界南至塔墩七十里與泰州分界北至舊白駒場四十里與興化縣分界東南至併茶黃沙洋一百六十里與通州之如皋縣分界西南至武卞莊八十五里與泰州分界東北至關龍港二百四十里與興化縣淮安府之鹽城縣分界西北至潘洋汊四十里與興化縣分界東西廣二百四十里南北袤一百十里抵京師陸路二千四百四十里水路三千二百三十五里抵江南省四百四十里抵府城二百四十里

縣境四至八到 自縣治東八十里至馬路馬路之外

光沙無草又四十里到海再東爲大洋西九十里至
凌亭閣又一百五十里到高郵州城南七十里至塔
墩又二十里到泰州之曲塘鎮北四十里至舊白駒
場范隄界牌頭又一百二十里到鹽城縣城東南一
百六十里至耕茶場黃沙洋八十里逾泰州之海安
鎮迤南四十里到如皋縣城西南八十五里過秦潼
鎮至武卞莊又三十五里到秦州城東北二百四十
里至鬪龍港口到東亦爲大洋西北四十里至潘洋
汶又八十里到興化縣城

周禮形方氏制邦國之地域正其封疆無有華離

東臺縣志

卷之八

疆域

二

之地鄭注謂正之使不孤邪離絕也當乾隆四年
前郡守高公士鑰有在東臺設縣分治之請嗣因
畫分疆域海安鎮士民呈求縣治當建設海安覺
奉駁查其事遂寢則原議海安應隸東臺蓋緣海
安在富安南三十里距縣實七十三里西距秦州
一百二十里舍近就遠非海安士民之願其後東
臺所分皆係下河沉水低田而海安田畝爲上河
膏腴之地新縣不能與舊州爭乃舍毘連之海安
不與反以越海安南去絕遠之耕角隸焉說者以
爲不均當疆域之分也本以十之六歸秦州其四

與東臺往復辨議前後歷六年而始定今其一切案牒俱在泰州縣中並無其副固無由知其顛末矣

附鹽法志九場疆域

東臺場

即縣治

廣一百五十三里袤二十七里自場東一百

五十里至沿海小龍港南十二里至烽燧墩接梁梁界西五里至湯家泊北二里至鹵溝皆與何梁界

何梁場廣一百二十里袤九里自場東一百十五里至沿海馬路西三里至海道口南三里至東臺北十里接丁溪界

東臺縣志

卷之八

疆域

三

梁梁場廣百里袤十里自場東九十餘里至沿海馬路西三里至鹽河界牌南二里接安豐界北七里接東臺界

安豐場廣七十五里袤十四里自場東六十里至沿海馬路十四里至仇湖莊南十里接富安界北四里接梁梁界

富安場廣一百十里袤二十三里自場東一百里至沿海唐家洋西五里至界墩接又豐界北十五里至沿海馬路迤西則接於安豐南八里至楊家莊接泰州界

角斜場廣十里袤二十二里白場東七里至野鴨蕩西
五里至李家堡南八里至平豕河皆與耕茶界北十
四里接富安界其東北五里即大海

耕茶場廣六十里袤四十五

東十八里至豐利

界迤北卽黃沙洋西四十里土週游溝與如皋界迤
北十餘里至沿海光沙其西七十八里至角斜

丁溪場廣一百十里舊小海在二合之袤二十里自場

東一百里至戴家古淤海口西七里白串場河與興
化界南三里接何梁界北十五里接草堰界

草堰場廣八十里舊白駒在北合之袤四十里自場東

東臺縣志

卷之八

疆域

四

八十里至沿海馬路西一里至串場河與興化界南
一里接丁溪界北四十里至牛灣河界牌與劉莊界

按泰州分司所屬共十一場其八場在縣境尙有

伍祐新興兩場在鹽城廟灣一場在阜寧舊皆屬

淮安分司乾隆元年改屬泰州其丁溪草堰劉莊

三場民籍考試俱隸興化舊惟竈籍歸泰州分司

考試乾隆四十四年裁汰商籍竈籍已入學者移

歸本籍詳見學校縣境地勢東北盈而西北缺故

丁溪草堰與興化分治以范隄爲界惟隄東竈糧

隸隸及隄西有古熟竈糧歸于縣治至劉莊則自

場署東稍有屬縣治者以牛灣河爲界其西全屬興化故劉莊疆域不錄卽丁溪草堰之市廛民物亦不盡爲東臺有矣再諸鹽場之初設也皆依范隄爲之隄北自阜寧南接通州綿亘八百餘里隨海勢之盈縮以爲曲折在縣境者大抵由西北而東南自草堰以至安豐則南多而東少自富安以至耕茶則南少而東多隄至角斜始狹他場皆寬半里許凡民居廛市官署盡在隄上其西直臨串場河丁溪草堰之隄興化者名以范隄爲界實則以串場河爲界也今興化將并隄而盡有之經界不正紛紜錯雜皆由乎此

都里

縣轄八都都轄七十八畝其中有沿襲有裁併參差不

一無里可考今合本城六舖附郭四坊凡七十畝

十都爲畝十一畝二畝三畝四畝五畝六畝七畝八畝

九畝十畝

十一都爲畝十一畝二畝三畝四畝五畝六畝七畝八

畝九畝十畝

十二都爲畝十一畝二畝三畝四畝五畝六畝七畝

八畝九畝十畝十一畝

十三都爲畝五一畝四畝六畝七畝十畝
十四都爲畝十一畝二畝三畝四畝五畝六畝七畝八
畝九畝十畝

河泊所爲畝五一畝二畝四畝五畝六畝

南場爲畝十一畝二畝三畝四畝五畝六畝七畝八畝

九畝十畝

由東臺場至角
斜場爲南場

北場爲畝九一畝二畝三畝四畝五畝六畝七畝九畝

十畝

由何梁場至劉
莊場爲北場

按乾隆三十三年初分都畝僅一百九十餘莊經布

政司卓批飭泰州詳文舊州新縣劃分都畝田賦及

東臺縣志

卷之八

都里

六

一切事宜原據議請州六縣四分管今據冊報該州
原額一百八十九畝內分新縣七十八畝雖居十分
之四而各畝所納銀米未及十分之三其留州管辦
之都畝戶糧尙居七分有餘新縣何以太少茲應作
何均平務須通盤籌畫另造確冊以便察核後節次
劃分至四十年加增二百餘莊計共七百莊始成定
額今核莊冊實共六百九十一莊區爲正南正西
正北東南西南西北六隅其正東東北二隅屬窰完
納折價故也

縣之村莊稱名曰場曰團曰窰曰鎮曰莊曰堡曰輪曰

甸日墩日梁日舍日巷日斲日洞日澤日灘日汊日
淡日角日口日廟日壩

本城舖六卽東臺場一名東亭屬日頭舖日二舖日三

舖日四舖日五舖日六舖

程岫過東臺詩蒼茫潮汐區何處辨春色及此蘆芽
青已看朱夏逼登舟望東亭黯黯鹽烟黑好風自東
來布帆去不息舟子倚檣臥漁人傍水食小雀蘆中
棲隨風弄羽翼鳴聲有高下晴雨於焉測孤城指顧
近遠道只頃刻雖非歸鄉路亦足豁胸臆汪楫別
友人之東亭詩東海雲初散西郊日已斜水聲連木
葉帆影過蘆花我去仍爲客君歸豈是家臨流徒眷
眷愁看後樓鴉喬賞東亭春暮詩無端飄泊向天
涯萬事驚心鬢欲華故里偶歸翻是客他鄉寄蹟更
移家春燈小閣吹寒雨別夢空庭閉落花此際有懷
還獨坐繞枝愁聽未棲鴉黃雲東臺奉訪張蔚生
明府詩烟火東西十萬家豈惟不減舊繁華今年春

東臺縣志

卷之八

都里

七

比去年好茂宰陽春到海涯鹽場舊產王夫子得
事文成吾道東正學一燈誰繼者又逢領袖馬扶風

附郭坊四在西門外卽何梁場一名何阜屬日啓民坊

日金水坊日拱辰坊日太平坊

陳翼何梁場陪孔使君梁園看雪詩玉甕酒初熟風
簾雪正翻使君真謝傅行館恰梁園修竹垂簷重寒
禽隔院喧下河饑溺久何計一相援黃雲留別何
阜詩百年幾到海之濱分袂仍疑夢裏身城外殘蟬
鳴曉樹渡頭秋水送歸人東亭美酒烏家熟何阜涼
風蕭寺頻經月歡娛成往事蓼汀回望倍縈神

縣南由串場河入仇湖港逕南七里竈日南三竈十八里場日梁梁

場一名南梁屬舍日開家舍二十五里場日安豐場

一名東陶屬三十里梁日吳茄梁鳳凰梁四十三里

莊日仇湖莊曹家莊墩頭莊舍日朱馬家舍斲日耕

家簫六十里墩日青墩舍日袁家舍七十里廟日判

官廟莊日沙港子莊莫家莊墩日塔墩至泰州界

程岫同吳嘉紀南梁泛舟詩春水欲綠時雲中叫歸
雁斜日喧林臯垂楊細堪縮倚棹待歸人沽酒來何
慢 夜夢溪上客曉寄園中梅梅花折在手故人
翻來一笑放野艇香風滿樽疊 輝輝沙渚暄泛泛
見鷺陣此地昔曾游風景不可認杯到忽躊躇清波
風蘇萬物已在河之涘枯容變好顏先自酒人始
酒人頗忘機不繫中流船晴光暄入水波動清鮮
鳧鷖爾何慕浮到樽疊前 前溪是安豐小築橋邊
住相思北郭生佇望南梁樹白雲幽意多往往隨人
去 方一煌過東海同人送郝羽吉歸廣陵詩前日
東亭舟昨日南梁住明日郝子別今日東海聚陋軒
晨夕過此日獨愁暮數客聊共吟如夢尚未寤所恨
花將黃子目不一寓子交滿邗水桃李春無數吾屬
二三人寒花獨貞素醉飽不妄希坦懷多謬誤世或
真其狂我亦自知痼子獨親此曹談笑見情懷興至

東臺縣志

卷之八

都里

入

閒一詩霜枝照玉樹尤飲性情真不染時俗趣坐我
秋光中泠泠自生悟如何子復別棄我隔烟霧涼風
吹落日凄然此林園且扁陋軒屏畏見屏前路 孫
枝蔚過安豐場詩蒲青露白水漭漭斜日春風動客
懷若道安豐民最賤布衣亦有王心齋 我自攜琴
東海濱相逢半是賈鹽人論詩近有吳生好三十場
中一隱淪 秦費過東海集望雲樓詩連雲曲檻好
幽探儘我登臨得飽諳對欄文峰聯斗北留題吟伴
滿江南一樽酒讀詩千首十景樓開雨半含淡霧濃
烟依客久桃花今日見深潭

縣東南

由串場河楊冒河入耕茶河逕東南

三十二里竈日新竈場日西

場五十里場日富安場

一名虎阜亦名虎墩屬泰州分司

六十里團

日下團上團戈團七十里巷日賁家巷口日噎口莊

日孟家莊太平莊金絲陳家莊七十五里洞日老鼠

洞 卽老樹孔

詳見水利 口日大缺口一百三十五里堡日李家

堡一名赤岸今耕茶場商垣分設在此與如皋分治

河口一百五十里灘曰富家灘口曰鹽港口灘河口舊名費家灘今為角

一百六十里場曰角斜場一名東斜舊屬泰州分司

今場署商垣改設富家灘淺曰范家淺詳見水利一百七十八里鎮曰

許濬鎮場曰耕茶場一名南沙舊屬泰州分司一百

八十七里竈曰洋南竈在黃沙洋南至如皋縣界

按乾隆三十八年裁汰丁溪關官三十九年添置巡

檢司駐富安場

按團舊為煎鹽聚集之所各有遠近大約皆濱竈河

今煎鹽不復用團而名尚存茲錄其成市者餘不具

東臺縣志 卷之八 都里 九

載中十場志明都御史藍章奏略曰每一場分幾團

一團分幾戶輪流煎辦以納丁鹽此外多煎之數名

日勤竈許賣商人奏補掣摯但不在本團煎辦者即

是私鹽就便處治以此知近年興販為犯禁者訪於

是也

沈聯開過虎墩訪友詩虎墩兩老友一為久居客一

為遷移人俱與貧老迫衰俗賤儒冠誰與數晨夕余

亦失路人東亭營僦石忽念平生懽形神各疆場朝

掛東亭帆暮登虎墩席遙遙素心人有如共巾舄西

牕燈熒熒一夜照肝膈方一煌過虎墩山閣聽澹

生彈琴詩秋光靜潔秋烟白高閣如霞在空碧閣中
有婁端然坐撫出泠泠泉與石昨日烟嵐溪上深青
林丹葉空沉沉昨夜雨風牕外作崩騰宵半號蛟鱗
湘嵐風雨一時歇天際殘陽蘆似雪葉叟精神入杏
冥四座無言視聽絕只有秋聲滿一樓白雲來往風

聽聽聞者撫者雙寂寞心魂縹緲相為謀愁者至此
悲不生怒者至此憤已寧囂者至此競都息俗者至此
此神亦清此時無復殊今古天地萬物皆和平
學閩舟過虎墩訪友詩烟收空遠目移棹問荒村高
士臥何處漁人指葦門蘆花兩岸濶秋氣一家存草
草得相遇斜陽坐共論 孫枝蔚過李家堡訪曹僧
白詩騎驢四十里草色但堪愁逢著牧童問恐從高
士游近村身帶雨到戶鶴鳴樓乍得論文友狂吟夜
未休 丁僕移家赤岸詩朝辭東渚向西皋霜色蕭
然冷緼袍幾樹殘烟餘夜氣半隄落葉響秋濤載來
旅橐車聲細望斷鄉關雁影高已識穹蒼深有意獨
將辛苦鍊吾曹 王巖寄角斜程天津詩三月桃花
滿樹紅狼峰正在角斜東從君共跨青鸞去肯把漁
竿付阿童 聞道團場已罷官春風剛與拂塵鞍歸
來問訊滄波者真有程郎口在灘 繆沅南沙送顧
嗣宗返吳門詩韓孟雲龍日夕依故山猿鶴久相違
人如諸葛真名士品是江東大布衣吳地烟嵐應入
夢楚天鷗鷺漸忘機步兵日有尊鐘思隱語當歸且
緩歸 林閔同阮相國游洋南窰詩范公隄上馬初
停極目滄波倦眼醒遠水雲迷陰氣合殘烟沙蕩暮

東臺縣志

卷之八

鄉里

十

潮腥古盤低泛千層雪破窰高懸一縷青十五年前
帆卸後海天風雨又重經

縣西南

由北運鹽河迤西南

五里鎮曰西溪鎮十里莊曰辭郎莊

十五里莊曰殷莊舍曰曹殷舍二十五里堡曰郭家

堡梁曰伍家梁朱家梁四十里鎮曰時堰鎮五十里

莊曰陶思莊雍家莊大小樊莊孫家莊梁曰楊家梁

壩曰唐壩六十里角曰青蒲角即青蒲閣

西距秦州六十里東

距安豐六十里勢嶠而修如一角

然居運鹽河之中水分二汊故名 甸曰白甸錢家甸

鎮曰秦潼鎮澤曰三里澤七十里莊曰湖西莊湖南

莊湖北莊鎮曰茅山鎮八十里莊曰東西邊城莊八

十五里莊曰武卞莊至秦州界

按晏溪志云漢唐以來卽有此鎮沿宋元及今宋初
置西溪鹽倉監何阜五場鹽課晏殊呂夷簡范仲淹
先後官此乾道間各場分境置官專司遂裁其官明
洪武元年建設巡司於鎮今巡司署改爲縣丞署詳
官署志 又興化志云宋紹興初張榮與賈虎孟威
鄭握糾率山東義兵由梁山與金人轉戰至承楚時
敵監軍兵駐泰州榮謂泰爲承楚內地泰州復則承
楚可傳檄定乃決策邀敵於秦潼村佯走追之掩擊
於興化之得勝湖

國朝乾隆二十六年裁汰巡商設鹽官委員於秦潼鎮

東臺縣志

卷之八

都里

七

凡赴秦壩鹽艘稽查掛號巡役巡船歸其管理 新
府志青蒲見晉書毛璩傳放火然菰葑逃亡皆出當
卽在此

吳嘉紀西溪鎮送客詩凜凜歲寒天送君歸舊川溪
光浮佛舍塔影壓漁船客路閒雲外家山落照邊不
愁逢酒伴囊有賣文錢 程岫西溪鎮詩策杖烟畦
去路賒仙姬遺廟雜田家一泓清水荒榛裏半畝閒
庭落日斜鐘鼓忽鳴遊客過碑銘已沒昔人遐悠悠
時代須臾事莫怨浮生鬢有華 滄波東去是東亭
郭外萋萋草色青風送管絃晴更暖市饒鮭菜晝常
腥牛歸村徑隨羌笛僧度山橋挈酒瓶絕少當壚頻
顧盼不知狂客醉難醒 徐發莢夏日泛舟伍家梁
過小隄弟詩同心去里開雨地占烟霞有約原乘興
偷閒日未斜逆風衝白鷺取路得荷花雞犬深楊柳
高樓到爾家 吳嘉紀曉發朱家棊詩宿雁飛鳴起
勞人知夜闌樹搖東水白霜灑北風寒籠鴨田家放
飛鴻澤國殘五湖冰未合且喜去程寬 程岫曉

朱家梁詩雲氣夜深合河水曉自開共言前路近漸
覺別愁催催出浦雞聲聚揚舠雁陣來波流緣底急不
使暫徘徊 又舟泊時堰鎮詩渡口泊孤航橋頭步
夕陽依人逢儉歲送客更他鄉蔓草看村滿風聲與
夜長疎燈照儂侶意氣轉飛揚 徐發英雍家莊元
夜詩茅堂小兒女歡笑此宵濃釀熟田收秫燈餽紙
畫籠野天惟看月衰病強扶筇紅白占年火關心問
老農 又春晚過雍家莊詩春風十五里重問昔年
遊遠水喧歸鴨斜陽飽飯牛舊人荷鋤老空閣閉雲
愁楊柳開僧院疎鐘野客投 吳嘉紀贈樊村王鴻
寶詩當時鄰舍已全非寂寞樊村一布衣避地至今
牙齒墮力田連歲稻梁稀烟深草澤耕牛散水落蓬
門舊燕歸苦竹寒松生意在春來膏雨正霏霏 方
一煌兩阻樊莊宿鴻寶宅詩宿此又三夕秋將八九
殘溪光雙戶白雨色一簾寒遶砌菊堪采充盤杞可
餐依然吟對榻樽酒許追歡 程學闈樊莊懷王鴻
寶詩樊村水雲裏高士有幽棲客少扁雙戶家貧賴
一犁禽魚隨白髮兒女共黃齏日暮耕田倦清風自
杖藜 沈聘開再過樊上訪鴻寶不遇詩一帆落處
犬信信步入開庭意已馴十八里閒常在夢三千日

東臺縣志

卷之八

都里

十二

後再來人村猶如昔惟多柳居匪無鄰但轉貧老友
未歸諸子見盤中雞黍幾晨昏 王鴻寶東中弟爲
憲詩村居人到少使至急將迎謂必忘子過應多見
子情何知持一字竟似重連城不念樊溪水當年相
向清 戴勝徵孫家莊詩只借莊西一面看荷花開
遍又開殘極天路認孤烟細近海風多六月寒老馬
豈能辭棧豆游魚端不慕綸竿晚來無那蒼茫甚擊
碎歌壺興未闌 杜鴻軒孫家莊雪中釣魚詩釣魚
如釣雪簑笠一天風鶴警者誰子羊裘或此翁遺情
歸浩蕩朔氣入空濛定得奇寒句霏霏落短篷 陳
燦過孫家莊懷心山詩老屋孤雲外相思每斷魂簾
瓢千古業雞犬數家村秋水烟中寺蘆花月裏門考
槃幽意足消息與誰論 季載可冬夜同雪江大弟
晚泊青蒲角詩水閣烟蒼落照昏扁舟投宿向孤村
老來未免勞形役客路相依有弟昆隔岸梅開僧舍
徑過橋柳禿酒家門推蓬夜色明於晝光冷霜天雪
一痕 王襍錢家甸望北楊莊詩欲傍寒蘆一繫舟
嘈嘈聲裏雁悲秋高人近住北溪水野客每懷南郭
樓今夕慳騰風雨過幾時歡合夜燈留相期共展平
生處莫負年華空白頭 張楷續吳嘉紀秦潼鎮詩

秦潼今有年鄰里富鷺鴨依人野雀故飛飛戲藻河
魚翠喋喋老農飽飯情復漁閒看兒童為織蒲秋耐
聯歸人影亂短褐將為新棉換向晚估船銜尾來林
裏烟濃百家爨頗憐辛苦柴荆婦夜選新航釀春酒
汪琦秦潼曉發詩朝露濕秦潼孤舟逐曉風雲低
湖草黑日出布帆紅田廢肥鷺鳴祠荒集雁鴻村村
漁父立凄惻對秋空 仲鶴慶秦潼歸舟詩雨濕州
低壓孤舟客緒多忽看晴霽色搖蕩水雲窩野寺蟬
鳴樹夕陽牛渡河故園遙在望歸去奈愁何 徐改
之過茅山鎮詩颯爾蒲帆疾茅山欠一游寺藏深樹
古僧立古溪頭矯矯孤飛雁飄飄不繫舟欲修元豹
業捨此復何求

縣西 由蚌沿河逕西 十三里莊日謝家莊許家莊二十五里梁

日韓家梁堡日柯家堡莊日東西解莊三十五里莊
日曹新莊馮家莊墩日熟墩四十里莊日新莊蒲場
莊四十五里莊日北王莊東西周卜莊南北張莊六

東臺縣志 卷之八 鄉里 三

十里堡日穆家堡莊日復興莊唐家莊光孝莊塘日
雁塘七十里埕日沈家埕莊日三趙莊袁家莊彭家
莊八十里澤日武家澤九十里莊日唐蔣莊三王莊
落葉莊堡日蔡家堡陳家堡角日凌亭角至興化縣

界

縣北 由串場河逕北 九里墩日九里墩十八里場日丁溪場
丁渚亦名虎墩范文正公築隄捍 二十八里場日草
海自虎墩始即此屬泰州分司

堰場 一名北堰屬 五十五里場日白駒舊場 本屬淮
安分司

乾隆元年省入草 六十八里窰日沈家窰 今丁溪場
著商垣移

在 七十里團日小海團 即小海舊場乾隆三十四
年省入丁溪場商垣亦分

設在此屬 秦州分司 竈日中谷竈八十里團日西團 今草堰場 商垣移設

在此 戚家團場日劉莊場 舊屬淮安分司乾隆元年改屬秦州分司 至興化

縣界

金鼎題丁溪義阡寺壁詩草迷海堰綠如波門拓鹽
場歲月多花徑鳥笙和牧笛柳塘蛙鼓雜漁歌春風
萬竈鹽丁浦夜雨千帆賈客嗟官課已輸民樂業可
無善政早催科 李春芳過草堰送袁懷堂節推宙
陽詩送君萬里道意與道俱長氣候殊炎微音音渺
莫獨嶺雲迷去憶江月聽鳴榔不及羣飛雁遙天自
一行 陳翼白駒場詩匝港寒蘆路漸紆據鞍何事
復前驅一天暮雨過場口更有誰來繫白駒 又過
戚家團詩海風野草望無邊幾樹枯楊一破椽赤腳
老翁原富竈自言遭水十三年 汪懋麟過劉莊感
舊詩揚州甲申歲夏四月中旬余時方七齡歷歷記
猶真吾翁守空城遣家避海濱提攜仗老母跋涉嘗
艱辛四兄年十餘相依走蹤跡到劉莊主人情
舊親謂余父有造報恩在茲辰移堂讓我居汲水灌

東臺縣志

卷之八

都里

十四

我塵老婢來執爨送米兼率性室有二孀女慰母時
諄諄中兄死兵革季兄陷營屯老母日夜泣枯口復
焦唇小時不曉事索食遭母嗔事後始還家一一向
父陳古人重交道寄託原有因骨肉散復聚何莫非
鬼神升沉開炎涼如隔楚與秦豈意重來過忽將三
十春訪舊已為鬼門巷摧為薪不復見耆舊滿眼皆
流民我欲報舊德此意何由伸日暮發船去回首淚
盈巾

由梓辛河 十里莊日鄭家莊紀家莊郝家莊楊

家莊梨日札梁二十里梁日張家梁莊日博針莊二

十五里梁日烏金梁三十里汶日潘洋汶至興化界

王貴一舟泛蚌沿梓辛河過東村詩秋色今年較若
何暮林殘葉響如梭松杉落日浮雲盡蒨荔寒聲夜
雨多望裏懸燈紛列宿坐中橫帶出雙河無端又作
經秋客慚愧樓心佳澗阿

急遞鋪比七縣治之前日總鋪

司兵 西南十里日殷莊

鋪司兵二名又十里曰暮雲莊鋪司兵二名又十里曰入

司兵二名又十里曰時堰鎮鋪司兵二名又十里曰青蒲角鋪

司兵二名又十里曰秦潼鎮鋪司兵二名達泰州

街凡九自縣治西至迎春門曰東門街自鼓樓前至奎

拱門曰北街自分司署前至西屏門曰鼓樓街自西

屏門外至聚東門曰西街自聚東門外至寶家樓曰

彩衣街自新壩至慈濟寺曰寺街自寶家樓至火星

廟曰毓秀街自火星廟至便民門曰便民街自新橋

至大王廟曰新盛街

巷凡三十五在縣治城中曰茶城巷百歲巷富家巷潘

東臺縣志 卷之八 都里 十五

家巷朱家巷倉巷東巷中巷西巷姜家巷鄭家巷旗

杆巷華家巷富莊巷王家巷魏家巷安居巷石榴巷

童家巷樊家巷竹牌巷在西門外曰咸寧巷繆家巷

孫家巷金帶亭巷同安巷北關橋巷唐家巷喻家巷

柿軒巷生風樓巷朝拜巷三元巷德馨巷太平巷

市凡一十九縣治鼓樓街市何梨場彩衣街市米市賈

雲集為邑中牛市在車兒埠口瓜菜市在廣濟橋口梁梁

場街市安豐場街市富安場街市角斜場街市富家

灘街市耕茶場街市丁溪場街市沈家竈街市小海

團街市草堰場街市西團街市西溪鎮街市時堰鎮

街市秦潼鎮街市

孝子坊見孝友傳 樂善好施坊見尙義傳 百歲坊

貞節坊俱見列女傳

按縣之都里其正東東北二隅盡屬竈地其正南
東南正北三隅間有竈糧催煎督課爲各場鹽官
所轄惟讞獄則悉屬諸縣令竈名繁多不及具載
六隅民地於秦州村莊一千九百有餘之中分得
六百九十一莊盡爲下河低田茲擇其大者遠者
與鄰縣接界者與河道有關涉者紀其崖略明陸
彌云都里之設也凡邑之賦歛徭役以迨百費罔
不倚辦焉故都里之豐耗係一縣之盛衰有民社
之責者可無軫念乎